

73-3147

T.B.M.M

DDC:
YER: 73-3147
YIL:
CLT:
KSM:
KOP:
DEM: 73-6526

KÜTÜPHANESİ

ص ۴۱
۵۷۱

ژاندارمه حساب مأمورلویك صورت قبول
واستخدام وترفیع لرینه دائر نظام نامه در



استانبول

مطبعة عسكرية - سليمانیه

۱۳۳۰

K. Z. 311

ژاندارمه حساب مأمورلرینک صورت قبول
واستخدام و ترفیع لرینه دائر نظام نامه در



استانبول

مطبعة عسكریه - سليمانیه

۱۳۳۰



ژاندارمه حساب مأمورلرینک صورت قبول واستخدام وترفیع لرینه دائر نظام نامه در

برنجی ماده — ژاندارمه حساب مأمورلری بلوک کاتبی
وطابور کاتب معاونی و طابور کاتبی و اداره امینی معاونی
و اداره امینی و اداره مدیری ناملریله الی درجه اولوب بلوک
کاتبی کچوک ضابطان دن و طابور کاتب معاونی و طابور کاتبی
و اداره امینی معاونی ضابطان دن و اداره امینی و اداره مدیری
امرادن معدود در.

ایکنجی ماده — ژاندارمه بلوک کاتبلری قطعاً
قوماندانلری طرفدن انتخاب اولتور . شرائط انتخابیه
بروجه آتیدر :

۱ — مستقیم الاطوار وانتظام پرور ووظیفه شناس

و مداوم وفعال اولمق

۲ — حساب مأمور لفظه اقتدار وقابلیتی مساعد بولمق

۳ — بدناً ایفای خدمته مقتدر بولمق

۴ — ژاندارمده اوچ سنه ایفای خدمت ایتیش

و بو مدت ظرفنده لاقلا برسنه الای ویاطابور

ویابلوک امور قلمیه وحسابیه سنده بولنه رق

حسن ایفای وظیفه ایتیش وباش چاوش ویاخوذ

برسنه چاوش رتبه سنده بولمیش اولمق [رشدیه

درجه سنده تحصیل کورمش اولانلر شرائط

انتخابیه بی حائز اولدقلری حالده مذکور اوچ

سنه مدتک ختامندن اول دنخی انتخاب

اولنه بیلورلر]

۵ — اوتوز یاشنی تجاوز ایتماش و کرک خدمتده

بولندینی مدت ائناسنده کرک خارجده برکونه

سوه حالی کورلماش اولمق .

اوچنجی ماده — شرائط انتخابیه بی حائز اولانلر

حقنده تنظیم ایدیله جک انتخاب اوراقی بلوک قوماندانلری

طرفدن طاہور قوماندانلغہ واورادن الای قوماندانلغہ
ارسال ایدیلور . الای قوماندانلری ہراوج آیدہ بر
بلوک کاتبکی ایچون ورود ایدہ جک انتخاب اوراقی
ومنحل اولان بلوک کاتبکلری مواقع ومقدارینی مین
بر لیستہ بی منطقہ مفتشلکنہ ارسال ایدرلر .

دردنجی مادہ — بلوک کاتبکنہ انتخاب اولنانلرک
اوراق انتخابیہ می مفتشلکہ ورود ایندکدہ مفتشلکجہ
امرادن برضابطک تحت ریاستندہ برادارہ امینی ویاالای
کاتبی ومרכזدہ کی قطعات ویا مؤسسادن انتخاب اولنہ جق
دیگر بر اعضادن مرکب بر قومیسون تشکیل اولنہ رق
امتحانلری اجرا ایدیلور . اشو امتحان بوصورتلہ اجرا
اولنہ جق کبی منطقہ مفتشلیرنک الای مرکز لرنی اثنای
تفتیشلرنده الای مرا کزنده بروجه محرر تشکیل اولنہ جق
قومیسون واسطہ سیلہ دہ اجرا اولنہ بیلور .

بشنجی مادہ — امتحانلر شفافی ونحریری اولق
اوزرہ مواد آتیدن اجرا اولتور .

اعمال اربعہ کسر عادی واعشاری زاندارمہ تشکیلاتی
زاندارمہ لرجہ مرعی وبلوک لره عائد اوراق مطبوعہ

وحسابیه نك طرز استعمال واملاسی و اداره نظامات
و معاملاتندن ایجاب ایدن خصوصات .

التجی ماده — امتحانلرده شفاهی و تحریری اوله رق
اوج سوال ایراد ایدیلور تحریری سواللردن برنجیسنك
نومروسی یدی و ایکنجیسنك نومروسی بش و اوچنجیسنك
نومروسی اوچدر شفاهی سواللردن برینك نومروسی
اون بش و ایکنجیسنك نومروسی اون و اوچنجیسنك
نومروسی بشدر نومرولر رأی خفی ایله تقدیر اولتور.
و وسطیسی الئرق اوجوابك نومروسی تعیین اولتور .
كرك تحریری و كرك شفاهی هر جوابك وسطیسنك
مجموعی او امتحانندن قزانیلان قطعی نومروبی تشكيل
ایدر بر امتحانك معتبر اوله بیللمسی ایچون قطعی نومرونك
اون بش ودها از اولمامسی لازمدر یالكز بر امتحانده
اون بش ودها از نومرو الانلك برماه ظرفده عین
ماده دن تكرار امتحانی جائز در ایکی امتحانندن اون
بش ودها از نومرو الانلك امتحانی رد اولتور
امتحانی رد اولسان نامزدك بر سنه صكره بشنجی
ماده ده محرر موادك كافه سندن بتكرار امتحانه قبول
ایدلمسی جائزدر .

يدينجي ماده — امتحانلری اجرا اولنانلرك اوراق
امتحانیه لری و نومرو و درجه لری مین دفتر امتحان
قومیسونی طرفدن تخیم و قومیسون رئیس طرفدن
منطقه مفتشدکنه تودیع اولنور منطقه مفتشی امتحان
نتیجه سنه کوره بلوک کتبلکنه لیاقت ککوسترنلری
طوغریدن طوغری به منجلاته تعیین و تعیین اولندی
محل سوق ایدر .

سکرنجي ماده — بلوک کاتبلرینک انتخاب و تعیین
معالاتی منطقه داخلده جریان ایدر . فقط اهلیتی
تیین ایدنلرك انتظامینه محل بر اقلماق اوزره بعض
منطقه لرده منجلاتک محدودیتدن طولایی بر منطقه دن
دیگر منطقه به بلوک کاتبی نقل و تعیینی جائزدر .
بو حالده عموم ژاندارمه قوماندانلی منطقه مفتشکلری به
باختابره اتخاذ تدابیر ایده جکدر .

طقوزنجی ماده — بلوک کاتبلکارینه تعیین اولنانلرك
کیفیت مأموریتلری مین عموم ژاندارمه قوماندانلغجه
برر وثیقه تنظیم اولنورقیدلرینه ویرملک اوزره محللرینه
ارسال اولنور .

اوننجی ماده — بلوک کاتبلی بلوکلک امور و معاملات قیودیه و حسابیه سنه مأمور و بلوک قوماندانه قارشی مسئول اولوب هیچ بر سبب و صورتله بوندن بشقه خدماتده استخدام اولنه مازلر . و بلوک کاتبلی آپولتری نه درت بیاض شرید تعلیق ایدرلر .

اون برنجی ماده — لا اقل ایکی سنه بلوک کاتبلکنده بولنان و اشبو وظیفه ده لیاقت کوسترنلر و سجل احوالی منتظم اولنلر ژاندارمه ضابط مکتبک اداره ضابطانه مخصوص قسمنک بر دوره سنه اشتراک حقنی احراز ایدرلر . و اشبو دوره بی موفقیتله اکال ایش اولانلر احراز ایلدکاری درجه یه کوره طابور کاتبلیکی مئاو . نلکنده وقوع بوله حق منحلانیه ترفیعاً تعیین ایدیلورلر .

اون ایکنجی ماده — طابور کاتب معاوندلکنده اوچ سنه بولنان و خدمتده لیاقت کوسترمش اولانلر سجل احوالی منتظم اولدینی حالده طابور کاتبلکنده کی منحلانیه ترفیع ایچون استحقاق کسب ایدرلر .

اون اوچنجی ماده — اوچ سنه طابور کاتبلکنده بولنان و خدمتده لیاقت کوسترنلر و سجل احوالی

منتظم اولانلر مواد آتیهدن اجرا ایدیله جک امتحانده
اهلیت لری تین ایلدیکی حالدده اداره امینی معاونلکی
منحلاتنه ترفیعاً تعیین ایدیلورلر .

تشکیلات ملکیه

تشکیلات عسکریه

ژاندارمه تشکیلاتی

محاسبه عمومی قانونی

ملکی و عسکری اداره قوانین و نظامات مقرراتی
امور اداریه و مالییه متعلق معلومات متنوعه

اون دردنجی ماده — درت سنه اداره امینی معاون
نلکنده بولنان و خدمتده لیاقت کوسترمش اولانلر

سجل احوالی منتظم اولدینی حالدده اداره امینلکنده کی
منحلاتنه ترفیعه کسب استحقاق ایدرلر . رتبه سنده اوج

سنه ایضای خدمت ایدن و امثالی اره سنده تمیز ایلیان

اداره امینلری عموم ژاندارمه قوماندانانی دائرهمی

اداره و حساب شعبه سی ایله ژاندارمه دبوی و اعمالخانه

وامثالی مؤسساتک بیکباشی رتبه و محصصاته معادل

اداره مدیرلکنه ترفیعاً تعیین اولورلر . و اداره

مدیر لکنده بش سنه ایفای خدمت ایدنلرک معاشرینه
اوجیوز غموش ضم اولنور .

ماده موقته

الیوم بلوک کاتب لکنده مستخدم اولانلر ایچون اشبو
نظامنامه نك ایکنجی ماده سنك دردنجی فقره سنده بلوک
کاتبلرینك اتخسابی ایچون مشروط اولان آلائی ویا
طابور ویا بلوک امور قلمیه و حسابه سنده بر سنه
بولنلق قیدی اشبو نظامنامه نك تاریخ مرعیتدن اعتباراً
بر سنه یه مخصوص اوللق اوزره ارا نلیه جقدر شمده یه
قدر لا اقل ایکی سنه قلملرده بولنلق و بو وظیفه ده اهلیت
ا کتساب ایتیش و چاوش و باش چاوش رتبه سنی احراز
ایتیش اولانلر اشبو نظامنامه نك تاریخ مرعیتدن اعتباراً
بر سنه یه مخصوص اوللق اوزره بلوک کاتبلرکی امتحاتی
علی الاصول ویردکری و بلوک کاتبلرکنه تعیین اولندقلری
حاله مکتبه دخول ایچون معین اولان ایکی سنه کاتبلرک
مدتی بکله میوب طوغریدن طوغری یه مکتبه کیرمک
حقق احراز ایده جکلر در . الیوم موجود اولان طابور

کاتبلرندن اهلیتی متحقق اولوب اشبو نظامنا،یه توفیقاً
رتبه سنده مدت اصغری بی ا کمال ایش اولانلر قدم
صره سیله اداره امینی معاونی منحلانته ترفیع اولنه جقلر در.
بونلرک اهلیتلینک تحققی ایچون مکتبه موفقیته ا کمال
تحصیل ایلری مشروطدر .

آنجق حالا مافوق مقامنده استخدام اولئانلرک
اهلیتلی متحقق عد اولنه رق مکتبه تحصیل شرطندن
مستقادرلر . بو صورتله اداره امینی معاونلکنه ترفیع
اولئانلرک اداره امینی معاونلکنده بو رتبه یه مخصوص
مدت اصغری بی ا کمال ایملرینه انتظار اولنیموب طابور
کاتبلکی زماننده اک زیاده حائر قدم اولانلرک صره سیله
اداره امینلکنده آجیله جق منحلانته تعیینلری جائز
اوله جقدر . موجود اداره امینلرینک اون دردنجی
ماده احکامندن استفاده ایده بیلملری ژاندارمه هیئت
فنیة تنسیقه سنجه صورت مخصوصده ترتیب اولنه جق
بر روبرام و تعلیماتنا،یه توفیقاً امتحان ویرملرینه
و سنجلی احواللرینک منتظم اولسنه متوققدر .

اون بشنجی ماده — اشبو نظامنامه تاریخ نشرندن
اعتباراً صرغیدر ،

اون آلتنجی ماده — اشبو نظامنامه نك اجرای
 احكامنه حربيه ناظرى مأموردر .
 اشبو لایحه نظامیه نك موقع مرعیتہ وضعی و نظامات
 دولته علاوہ سنی اراده ایلدم .

۳ ل صفر سنہ ۱۳۳۳ ل ۸ کانون اول سنہ ۳۳۰

محمد رشاد

شیخ الاسلام و اوقاف مایون ناظرى صدر اعظم و خارجیه ناظرى

محمد سمید

خیری

داخلیه ناظرى و حربیه و بحریہ
 و مالیہ ناظرلری و کیلی

عدلیہ ناظرى و شورای
 دولت رئیسی و کیلی

طلعت

ابراہیم

نامہ ناظرى

معارف ناظرى و پوستہ و تلفراف
 و تلفون ناظرى و کیلی

عباس

احمد شکری

تجارت و زراعت ناظرى

احمد نسیمی

ژاندارمه حساب مأمورلرینه دأثر اولان ۸ کانون اول سنه ۳۳۰ تاریخی نظامنامه نك اون برنجی ماده سنی معدل نظامنامه صورتی زیره درج ایدلمشدر .

ژاندارمه حساب مأمورلرینه دأثر اولان نظامنامه نك

اون برنجی ماده سنی معدل نظامنامه صورتیدو .

محمد وحیدالوین

ماده ۱ — ژاندارمه حساب مأمورلرینك صورت قبول واستخدام وترقیعلرینه دأثر ۳ صفر سنه ۳۳۳ و ۸ کانون اول سنه ۳۳۰ تاریخی نظامنامه نك اون برنجی ماده سنی به وجه آتی تعدیل ایدلمشدر .

بلوك كاتبلكنده مستخدم اولان واشبو وظیفه ده لیاقت کوسترن وسجل احوالی مکمل بولتالار ژاندارمه ضابطه مکتبتك حساب مأمورلرینه مخصوص قسمك بردوره سنه اشتراك ایده بیلورلر . بلوك كاتبلكنده کی مدت خدمتی ایکی سنه به بالغ اولان وحساب مأمورلرینه مخصوص دوره تدریس به اشتراك ایدوب مواظبتله امتحان و برمش بولتان و خدمتنده اهلیت کوسترنلر قیدملری صره سیله کاتب معاونلكنده وقوع بوله جق منخلاته ترایقا تمین اولتورلر .

مارم

ماده ۲ — اشبو نظامنامه تاریخ نشرینك فرداستندن معتبردر .

ماده ۳ — اشبو نظامنامه نك اجرای حکامنه داخله ناظری مأموردر .

اشبو نظامنامه لایحه سنك موقع مرعیته وضعی و نظامات دولته علاوه سنی اراده ایلدم .

۲۵ ذی القعدة سنه ۱۳۳۶ ۲۷ ایلول سنه ۱۳۳۴
شیخ الاسلام و اوقاف و ایون ناظر و کیلی صدراعظم و مالیه ناظری و کیلی
موسی کاظم محمد طلعت

خارجیه ناظری داخله ناظری حربیه ناظری و بحریه ناظر و کیلی
احمد نسیمی اسماعیلی انور
معارف ناظری نافعه ناظری عدلیه ناظری شورای دولت رئیس
ناظم علی منیف خلیل
اعاشه ناظری پوسته تلفراف و تلفون ناظری تجارت و زراعت ناظری
کمال بك نامر اجدر حسین هاشم مصطفی شرف

نیمه

۲۰ پارہ

